

الهيئة العامة لقصور الثقافة إقليم القاهرة الكبرى فرع ثقافة القاهرة

عبد التواب قطب

892 Q9



الهيئة العامه لقصور الثقافة إقليم القاهرة الكبرى وشمال الصعيد الثقافى فرع ثقافة القاهرة

## ولسدقي

شــعر عبد التواب قطب رئيس الإقليم سسيسسد عسواد

مدير عام الفرع سسميسر حسسني

الإشراف الإدارى منيسره بسلال منيسد روكسيسه راشسد

## مدير التحرير د. مصطفى الضبع

مستشارو التحرير
د. عسبد الحكم العسلامي
د. عسبد الناصسر هلال

تصميم الغلاف سعساد عسبد الله

## إهـــاء

إلى الولد الشقى .. وزمانه الجسميل

«اضطرار» الى / على جناح التبريزي

مضطر أصدق أو .. أموت وأغافل العسكري ولون الإشارة وأفوت أسبق .. وتسبق خطوتي أمواج قفف ماعرفشى سادتها من الخدام عربها م الأروام الكل جاى لك يا على قفة وكفي يقوم.. ويتكفى يخبط .. ويتخابط

يمد ايده لمنتهى شوفه يتبت ف الجناح مصدقك ولا ماتفرقشى يبلغ مراده أو مايبلغشي لا ساعي اليك بيتراجع ولا الواقع على جدوره بيتعلم.. وأنا اللي مش أنصبح.. ولا أفلح

ولا أفلح
ولاجيشى ف ملوك
شهبندرات
قيراط
بيفاجأنى العسكرى
دايما بصفارته

يحاصرني .. بأسئلته يعرى تيابى عن صفحة سوابقى يدوس على جرح ماطابش وكسر لسه ما انجبرشي أقول ماعلشى ياحضرة جناب العسكرى قفة ودائى الشعلقة فاسمح بقى والفت عينيك عنى أفوت .. من قبل مايجيني مايفلتنيش ملاك الوت ..

«نسابیح»

یا أبانا الذی ..
رصع عیونه
فی سقف بیتنا
وخصنا بلبلابة من
الطافه حاوطتنا
لفت علی سورنا
وخشت مندرتنا/
اتسللت لم ..
سرایرنا
الذی .. له کل ما ف البیت
وأحصی کل شیء عدد

مدل .. مدل

حروف كلامنا .. والنفس

عدد الحرس

واقفين على بابنا وحرس كامنين خلف الستاير فى شقوق الحيط دواليب المزين راجمين أباليسنا إذا زنوا حوالينا وغازلوا نفسنا الأمارة وصبوروا الأحلام بداره اتهيئت لينا حاشا عينك عنا تغفل حاشا نكفر أو تدوس على نعمتك رجلينا ولايجى اليوم تلاقينا مسحنا سطرين الخشا عن وشنا نقولك خاوينا

ضحكت المخاليق علينا وأنت فاردنا .. وطاوينا ورافع فوق جتتنا مجدك الأزلي وحاقنا كما الخيل الجريحة سنة الأفيون تسيل دمانا .. ولا نحسش ونتقطع .. ماندراشی نجوع .. نعرى.. مايجراشى نموت وقلوبنا بتغنى لحمام البر وأغصان الزيتون حاشا عينك عنا تغفل حاشا العيال اللي اشتعل شيبهم مايرضوشي بنصيب

14

كتبوه على جبينهم

ف يوم ما أبدعوك واختاروا دينهم يعبدوك والدنيا كانت لسه ماتعرفشى أب حاشا وكلا يجحدوك وإن يكبروا مايكبروش ع اللي استوى على عرشه مايقبل شريك كل الثنا والحمد ليك وتسبيحنا ف كل صلا يدوم مجدك وع الأرض السلام



دایما .. وف کل مکان ما باشوفك إلا وريشة رسم ف ايدك والألوان اتسحب على طراطيفي وراك وأدور حواليك من أول خط .. لأخر رمش لغاية .. مابتغرس طبع الحسن ف دقنك والخدين بارع جدا يابن الإيه ولا «رينوار».. و «دافنشى»

ولا أبصر مين يرسم وش مثالك ولايعزف كونشرتات ألوانك مقامات النور والضيل «شوبان» ولا «سيد درويش» إن شالله تعيش وتعيش الريشة تزوق بيها بيوت أصحابك عواميد الشارع والجامع ومراية القهوة المفتونة بتقاطيعك وأعيش .. وأشوفك ذات مرة بتطلع من براويزك يتسقط صلصالك ف إيدين أصحابك

والطرقات ألحق وأخد توقيعك على أجمل لوحاتك وأعلقهالك فين ماتسبسب شعرك وتدور .. مزيكة حسب الله

٠.

• •

أبويا .. أخويا .. صديق قديم من شلتي جارنا اللي كان ساكن زمان ويانا ف الصاغة خوجة البلاغة فى مدرستنا بياع كتب ع السور بتاع سبح وبخور على باب الحسين وإذا كنت شاطر قوللى مين

بالظبط بيطالعك على سمته وإذا كنت شاطر ماتفتحلوش إذا طير عصافير الزمن الأخضر تناديلك ولا تضحك ً ولاتبكي ولا ترفرف مع العصافير برىء الصورة جداً والضمير واخفى تمام دهشتك لحظة مايحتلك وتبص له تشوفك وتقول ف دروشتك مین یا نجیب فينا .. أنا

«ولدشقى»

دور على الولد الشقى شوف فين سلت من إيدك الغفلانة ایده . واقتفى ريحة جنونة صورة .. صورة على الأسلفت صورة وع الجدران على أجنحة النوارس هایمة علی شطآن على خدود البنات إن فات وغنا لبحرهم.. عطشان

واستسمحه وحق له روحك وقر بخفتك جهلك ببحر النسا الدحلاب جريك ورا اللى ف ليلة ضحكت لك وعرت كتفها أحزان ورا أحزان ولا دريتشى بربيعك نازف الشريان صغيرك ف ديلك الوحلان بيتعلق يقع.. ويقوم ويتجرجر على تراب السكك ولاصدقت حلفانه ف أول قطر ليسيبك أنت ونصيبك

والمرة اللى معلقاك يا صاحبى من عرقوبك

واجمع حاجاته وحطهاله ف شنطته ما تسيبشي حاجة قلمه .. وكراسة تملى مبقعة كرته الكاوتش .. ونبلته ورداية صبرها ف حضن كتاب بنوتة صورها على جناح السحاب قصاقيص ورق متلونة حتة لجاهين وقصيدة مش فاكر لمين سطرين بتوع الحب

نظرة فابتسامة

وعلقهاله ف كتافة وبوس رأسه وبوس ايده وقوله سماح ياسيدي الواد ودی ایدی مطرح ماتمشى فى سكتك خدنی لا أفوتك يوم ولاتفوتني ولاتخاف المرة السحابة تنده لي وإن تفتح لى ع البهلى ما عدت خفیف يا سيدى الواد ٠ ولا عادت ف غینی زی ما کانت

أنا اللى لحقتها ف ساعة سحر

وربطتها في أول عامود قربت من وشها ضي الفانوس بصيت عليها وسبتها وضحكت من جهلى وبكيت لما رأيت ضلى كنخلاية حنتها الريح وشوفت روحى ف المرايا ولاعرفتش دا مين وأما ناديتك مدد ياسيد لناس ولا طليت لي شموسة ولافتح القمر شباك ولا هلت على بابى مواسم العصافير ولاشوفت البنات الحور تفجر ليا ألف سبيل عرفت من كترة ماشوفت الموت

مايفلتش اليتامي أنا ف موتى ودى نهايتي تقطعني وحوش البر تشفى غلها منى تمصمصني.. وتحدف للجسور عضمي فهل تلحقني ياسيدي وتفتح ليا دنياتك تصفيني .. لطين المبتدا وبإيدك الخضرا من تاني تسويني ولد شقى ؟

«نجسوان»

قولي لعين الشمس ماتحماشي إلا تقيل الحمل صابح ماشی فتنكسف م القمرى رقزق ع الغصون بوسة نسيم الفجر لزهور الليمون وتمد طرحتها سحابة ترد لفتحتها تصاحب خطوته بين السكك تحنن الصوان على أقدامه

وتبكى لو مايحناش قولى لعين الشمس واتبسمى .. تتبسم الأكوان في عينه وينطفى خوفه يدوس ع الجمر مايحرق طراطيفه يعدى بحور يغرب ف البراري ولابتميل كتوفه خف ريشة حموله لما تترسم على وردتينك بسمتك فاتبسمي دون ابتسامتك غربته بين الدروب المرعبة دون ابتسامتك مقتله

ف بلاد بتآكل لحمها

ولابتدراشي قولى لعين الشمس وف المغارب لوحى فوق البناني الخضر أنغام اللقا وافتحى حضنك النيل السعيد ينساب ف شريانه وفجر العيد مواسم تسبق المواعيد ليالى نعيمها يتفرق على الدنيا ولايفناشي قولى لعين الشمس

«رسسالة» «من محمد الدرة»

مضایقنی یابویا
وقتیها بکیت
الله مسامحنی
وأما بیندهنی
ویطبطب علی ضهری
ویقعدنی معاه
انا باترجاه
من تانی یرجعنی
لجلن ما أموت
وأنا مش متحامی بضهرك
فرحان...

ایاك تتداری یابویا اياك يواتيك الموت وتخاف الموت مش صعب يابويا واسئلني أنا ولافيه سكرات ولاجلد سياط ولا شيء يستاهل نوح وعياط كل اللى رأيته ملك له ألف جناح قاللي ياواد ماتخافشي شالنی ازای ... ما اعرفشى ؟ وطار دار بيا الأرض

وحط وطار شوفت أمى/ أخواتي / فصول مدرستی/ أبلة نبيلة/ الواد عمار أبو نبلة مابتخيبشي/ بلاد ما اعرفهاشی وشوارع مامشيتهاش عارفاني كأتى وحيدها أخدوني من راحة ايدها وقتلوني من امتى يابويا ولينا قرابة دم أب وأم

ف کل مکان أخوال وأعمام هل كانوا نيام؟ وكلاب البر بتدخل مسجدنا وتدوس رقايبنا وتقتلنا وازای ؟ أول ماندهت ماصحيوشيي...؟! عرش الرحمن انهز ولا انهزوشي يجازيه الملك أبو ألف جناح صفانی بکا . قطعنى أنين وصلنى حزين لنبينا

وكان

عند الصخرة مستنينى ندهنى بأسمى .. وباسنى غسلنى بماء الورد حملنى فوق ضهر براقه وقاللى اتقدم.. قلت الأهلين يانبينا ؟ قاللى شهيد الأن على وش وصول على وش وصول

29

«جنى مصور» «إلى داود عبد السيد»

. .

ولا بالنضارة ووش حزين على وشك بيمط ف شفاتيرك ويمص خدودك ويزم خطوط القورة تكن الواد .. وتلمه وتلمه اياك تحتمله إن خربش ف وريدك لبدب ف فؤادك دبدب ف فؤادك واتلوى كما المصروع

وماتسهى وتقلع نضارتك الوش العيرة تفرك ف عيونك وتفتحها فيقزح كالمعتاد م النني. يقول .. حصلني تجرى وراه.. وتهدى تعدى منين مايعدى أبواب وخطط وشوارع جد/ عطوف لعبية/ حارات نكدية وسوق ورا سوق جبانات.. وبيوت لما يجيبك حتتنا ويخش حارتنا يشاكس فينا

يشاكل طوب الأرض يتصنت ع الأبواب يتسلل م الأعتاب يتجول جوه بيوتنا بین سرایرنا يشوفنا على المكشوف من ساسنا لرأسنا يقلب فينا قصاص الورد/ فصوص الدر/ برارى الشوك والتلج ينام وسطينا ويتبسم ووقت أما بنحلم ببنات الحور جيانا تدفى شىتانا وترطب صعد أبيب

جوانا يتبعنا ومطرح خطاوينا بلملم حكاوينا العادية/ المتدارية/ المش معقولة ويغنى معانا ف أماسينا أغاني الحب/ القهر/ ليالي الصبر وا المجاريح ويسهينا ف لحظة ويسلتنا من جوة هدومنا ويعلقنا من طرف ودانا على حبالنا ويغطس مانشوفهوش

نتفاجأ بينا عرايا

نضحك من كسفتنا نضحك على خفتنا ندارى خيبتنا ونستحلف له أن عاد عيرم ف حارتنا كالمعتاد كالمعتاد قبل أن تخفيه قبل أن تخفيه نضارتك والتكشيرة وبوز .. شبرين

«الأربعين»

فجأة اكتشفت أنى .. وبرغم نضارتي ونص وشي اللي متعتم بتلفيحتي مكشبوف.. ومترصد ولاهربتش ولا ليلة ولادارتني حيطة ولابلعتنى دوامة ميدان علبان :. أنا جداً غلبان إلى حد العبط مااعرف ألأعيب الحوط شغل النور سر دایرة بتترسم

على بابى بالطباشير بتتجدد.، وتتأكد... وأنا اللاهي اللي متأكد بأنى ما انكشفتش ولاعرفت طريق بابي عصابة الأربعين وانهم.. من أول الجارة لأخرها مېدورين متنكرين عيال بيتنططوا حافيين شباب بيتسكعوا دراويش يروحوا ويرجعوا مدد .. مدد عمال هدد

على ابصر ايه

على بنايين

صنفر الوجوه دوله ف ركن القهوة ناصبين الجدل.. والفذلكة اعدهم من ورا الشباك واطالع سمتهم وارجع أعد ماينقصوش واحد ولايتغيروش نفس الوشوش اعرفها بالواحد كأنهم منى حنين يغالبني حنين الأب لعياله ودمعة شوق تجنني تلف دماغى مية لفة أفر ف ألبوماتي واتصفح اجنداتي ماكنتش يوم فلاتى

ولا هلاس اخلف كيف حرامية؟ .حوط لبط برمجية ولاد زنا احلف بمصحف ربنا ماشوفتهم ولاسبق هننتهم ولاشيلتهمشي جبال على كتافي ولا أنكرتهم.. لما انخسف بدر السما من غدرهم وسمعتهم بينانوا طير الشتا

ينزل على سطوحي

ولا لميت حمامى وقتها وطلعت متخفى بلاد الله .. لخلق الله ولا

.............

أحساس غبى وقلب نازل خطرفة يغفر له سبط الأنبياء ف ظهرى أوعقد الأوليا

وربيع مايصفرش خضاره ولايقربش نواره طير الشتا النوحى

«فین تروح»

وفين تروح بين الملوك.. فاهدأ كده وصلى على سيدك واستر بإيدك عورتك واتدارى في غيطان الدره ساعة تمر مواكب الأمرا وافهم بقى ياأبو الخنف واللألأة وحفنة دمامل ع المحيا مفرقة

مش بالشطارة اتأمر الأمرا الحكاية روح وروحك لسه يادوبك بتحبى لاهامت شوق ف أرض الله يموتها .. ويحيها ولا دابت ف ساعة وصل واتمنت فنا فيها ولا انفتحت لها السموات ولاسجدت على الأمواج ولاسجد الزمن ليها فالزم مقامك ولاتسدش علينا بوقفتك باب الرجا خلينا نتنسم ضيا العارفين

نركب مع الواصلين مراكب النجا وتنول ايدينا المرتجا ساعة يهل بزفته قطب الزمن «حداد» يضرب على طبلته ينطق لسان الأرض عربي ولايفوت سيدنا الأمام «أحمد فؤاد نجم» الهمام رافع رايات العدل والحرية أو في هيامه يطوف بنا «جاهين» يقلب الدنيا على صباعين يقول عجبي .. نقوله أمين

ففين تروح يابن العبيطة وسيط دول وعبتواب دا يطلع مين وتتجاسر تخط ازاى ما بين الأوليا اسمك وتتغابى ... ف رف المكتبة تنيم عواجيزك . ف أحضان الصبايا العين أنا مانيش «يسرى العرب» خافض جناح العطف للمساكين ولا زى صحبة الطيبين شايفك أنا جداً وكاشف الأعيبك واطلعك من وسط مية أجردك من كل زينة مسترة عيبك

وأقواك ع الملأ بطل شطارة الكلمة روح وروحك لسه يادوبك بتحبى

• •

• •

«أنا شاعر»

وقلت أنا شاعر ماصدقونيش حلفت ع الشجر سجد وحط فوق كفى القمر ولا أمنوليش كسفت عين الشمس مرة وألف مرة المستخبى لعيني يتجلى أىور بطبلتى أنده على الشاردين أصحصح النايمين وأرفع راياتي للسما

## منارة للتايهين

..

حتى إذا
صبت علينا السما
سيلها
واتفجرت من تحت رجلينا
العبون
العبون
أخدوا سفينتى
وبحروا
وبحروا
وغرقت أنا ..

وحدي

«نبوءة»

وح ييجى اليوم ينقال.. كانوا صحيح.. أبطال المغفور له فلان والمرحوم ترتان حتى الواد أبو نص لسان المفتون . بكياك .. وأبيب و«فؤاد حداد» زرعوا شجرهم ف الزمن البور ينده نبقه على الفايتين ويشابى التين ويحن عنبهم يتقطر على قلب حزين

وتغنى الحور ف سهرهم على ضىء قمرهم للعاشقين ولاصفيت نارهم ولاجفت أنهارهم ولا لموا عزالهم مرة وقالوا .. مش لاعبين بنغنى لمين؟ وندور ف بلاد الله هايمين نسبح لشراع الشمس ونغطس للدر المكنفن بنغنى لمين؟ ونلالي سامرنا

وأحنا القوالة

واحنا السامعين كانوا صحيح.. مجانين نايمين .. أق صاحيين ف نعيم إن كانوا .. ولا جحيم واصلين لزمن ماخطرت .. على قلب سنينه مابتخلاش بساتينه من اللايذين بشجرها ولا الجايين على نارها والنازلين ف خيام العين .. ويطوفوا مع الطايفين

بشموعهم

حوالين مقاماتهم
على كل لسان غناويهم
وف كل أوان
بيصلى عليهم
ويسلم
مجانين تانيين
ف الزمن البور
ويعلوا رايتهم
ويعلوا رايتهم
وإن ماشافتهاش
عينين

• •

• •

## وفردموعك

وفر دموعك مش راح تعيش الأوله والاخره هم.. مين قال ح تشفع لك ولو صارت بحور عند السؤال ولاً ح تسبل سترها وتخفيك إذا حانت ساعتنا وجلجلت ف ساحتنا وبورت فينا عسباكر ربنا الاهوال أول ماح يسموا ح يبدوا باكتر الباكيين فوفرها

ولا تضمحك على روحك تخدرها بحبتين النهنهه وشويتين المصمصة ودعوتين يتمسحوا ف جاة النبي والحق يومين عمرك بلاحيره.. وديره وهم فوق صدرك قعد وارتاح للقدس رب ما تنشغلش بامرها ولا تنفطرش لاسرها ولا للولاد استقطوا فوق صدرها راسمين ف آخر رمق الفظ الجلاله واسمها للقدس رب وللشهيد جنات فلا تتعب ضميرك

لما تتطلع لهم مجضوع على سريرك ونيمه ف ريحك وبور على دماغة بقبسه من كلام الصالحين/ الطيبين/ الانقيا / الرويسا مشايخنا العظام أهل البصبيره والسلام ح ينام واياك من المارقين عن كل سنه ودين أهل الضيلال.. والزندقه ليقطروا في قلبك عماهم أو يصبيك من جنانهم مس ن يكفروك ما تحس يحولوك عن قبلتك م الغرب لماالشرق ينطقوك الضياد

كما لو كنت من واد اسماعيل تهتف معاهم يا صلاح الدين وتدور على خطوط الخريطة تفوق النايمين مستعذبين الكسر والخيبه القدس عرض ودين فاستنقذوها .. استنجدت واتهجدت واهتز ليها العرش لما دمعت هانت علينا فشيعت لله تقاضينا اياك تطاوعهم ولا تنزل يوم شوارعهم لتحل بيك من عين ولي نظرة غضب تكويك ولا تضرب بيك

لسابع أرض ما تبانشي للقدس رب فما تجازفشي ولا تغيرش منا خاطر الواصلين / الطيبين ./ الانقيا / الرويسا مشايخنا العظام أهل البصيرة والسلام واما يقولو لك حط راسك وانزرع ف الطين ما تتأخر ولا تسأل.. وتستقسر وتتمنع.. وتتبطر الخير على ايديهم بيتقدر وان كان بيتنكر وان كنا مش فاهمين

•••

للقدس رب وللشهيد جنهات والد عيشة التبات والنبات فانعم بها..

## المهرس

٧	• • • • • • • • • • • • • • • • • • •	رار	اضط
١٣		_ح	تسابد
19	• • • • • • • • • • • • • • •	م	رســـا،
۲٥		ــــــــــــــــــــــــــــــــــــــ	دروشـــــ
۲۹	••••••••••••••••••••••••••••••••••••••	ـی	ولد شـــق
٣٧		انا	نجــو
٤٣	<b></b>	الة	رســـا
۰۱		صسور	جنی مد
۵۹		ين	الاربسع
۱۷		وح	فين تر
٧٥	<b>~</b>	عـر	أنا شاء
٧٩	* * * * * * * * * * * * * * * * * * * *	••••••••••	نبــؤة
		وعك	

## الشاعر / عبد التواب قطب

الميلاد / ٢٠ اكتوبر ١٩٦٠

\* عضو بمجلس إدارة نادى أدب ١٥ مايو

·\_\_\_\_

تنـــویه:

نشرت بعض هذه القصائد في الجرائد والمجلات المختلفة

شركة الأمل للطباعة والفشر (مورافيتلى سابقاً)

